

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01-2377/20
Sarajevo, 01.06.2020. godine

Na osnovu člana 135. stav (3) Zakona o visokom obrazovanju ("Službene novine Kantona Sarajevo", broj: 33/17), člana 104. stav (2) Statuta Univerziteta u Sarajevu (broj: 01-1093-3-1/18 od 28.11.2018. godine), Konkursa za upis studenata u prvu godinu prvog ciklusa i integriranog studija na Univerzitetu u Sarajevu u studijskoj 2020/2021. godini, Konkursa za upis kandidata u prvu godinu stručnog studija na Univerzitetu u Sarajevu u studijskoj 2020/2021. godini i prijedloga prodekana za nastavu Elektrotehničkog fakulteta u Sarajevu (broj: 04-2245/20 od 29.05.2020. godine), Vijeće Elektrotehničkog fakulteta u Sarajevu, na 10. elektronskoj sjednici održanoj 01.06.2020. godine, donosi

ODLUKU

o vrednovanju rezultata postignutih prilikom polaganja prijemnog ispita
za upis u prvu godinu prvog ciklusa studija i prvu godinu stručnog studija "Razvoj softvera"
u studijskoj 2020/2021. godini

I

Usvaja se prijedlog prodekana za nastavu Elektrotehničkog fakulteta u Sarajevu (broj: 04-2245/20 od 29.05.2020. godine) o načinu vrednovanja rezultata postignutih prilikom polaganja prijemnog ispita, za upis u prvu godinu prvog ciklusa studija i prvu godinu stručnog studija "Razvoj softvera", u studijskoj 2020/2021. godini.

II

Utvrđuje se način vrednovanja rezultata ostvarenih prilikom polaganja prijemnog ispita za upis u prvu godinu prvog ciklusa studija i prvu godinu stručnog studija "Razvoj softvera" na Elektrotehničkom fakultetu u Sarajevu, u studijskoj 2020/2021. godini, kako slijedi:

- Saglasno uvjetima Konkursa, za kandidate koji *ne pristupe prijemnom ispitu*, smatraće se da su *odustali od upisa*, odnosno njihova prijava *neće biti razmatrana*.
- Za kandidate koji se prijavljuju za upis u prvu godinu prvog ciklusa studija, minimalni broj poena koji trebaju ostvariti na prijemnom ispitu da bi stekli pravo na upis iznosi **10 poena**, što predstavlja 25% od ukupno 40 poena koji se mogu ostvariti na prijemnom ispitu. Kandidati koji ne ostvare ovaj minimalni broj poena *neće imati pravo na upis, bez obzira na broj poena ostvaren po drugim kriterijima* (uspjeh u srednjoškolskom obrazovanju, rezultati na takmičenjima, nagrade).
- Za kandidate koji se prijavljuju za upis u prvu godinu stručnog studija "Razvoj softvera", prijemni ispit *nije eliminatoran*.
- Na prijemnom ispitu bodovat će se samo zadaci kod kojih je, pored zaokruženog tačnog rezultata, ponuđen i postupak kojim se došlo do tačnog rezultata. Zaokružen tačan odgovor sa potpunim i korektnim postupkom nosi 2 poena. Zaokružen tačan odgovor uz nedvosmisleno nepotpun postupak nosi 1 poen. Zadatak sa nedvosmisleno nekorektnim postupkom nosi 0 poena, bez obzira da li je zaokružen tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih poena nema.

III

Odluka stupa na snagu danom donošenja.


Obrazloženje

Uzimajući u obzir dosadašnje iskustvo u postupku prijema i upisa kandidata u prvu godinu prvog ciklusa studija i prvu godinu stručnog studija "Razvoj softvera", prodekan za nastavu Elektrotehničkog fakulteta u Sarajevu uputio je Vijeću Elektrotehničkog fakulteta u Sarajevu prijedlog za donošenje odluke o vrednovanju rezultata postignutih prilikom polaganja prijemnog ispita za upis u prvu godinu prvog ciklusa studija i prvu godinu stručnog studija "Razvoj softvera", u studijskoj 2020/2021. godini (broj: 04-2245/20 od 29.05.2020. godine), uvažavajući sve pokazane prednosti i nedostatke dosadašnjeg modela vrednovanja rezultata postignutih prilikom polaganja prijemnog ispita.

Vijeće Elektrotehničkog fakulteta u Sarajevu usvojilo je naprijed navedeni prijedlog, te je u navedenom smislu i iz navedenih razloga odlučeno kao u dispozitivu.

DEKAN

Prof. dr. Jasmin Velagić



Dostaviti:

1. Komisija za prijem i upis studenata (predsjednik)
2. Komisija za provođenje prijemnog ispita (predsjednik)
3. Studentska služba
4. Uz zapisnik
5. a/a